



KATA ALU-ALUAN MENTERI PENDIDIKAN MALAYSIA



Assalamualaikum Warahmatullahi Wabarakatuh dan Selamat Sejahtera.

Sekalung tahniah saya hadiahkan buat Sidang Redaksi Majalah atas kejayaan menerbitkan majalah sekolah bagi tahun 2018. Bagi pihak Kementerian Pendidikan Malaysia, segala jerit payah dan sumbangan dalam penerbitan majalah merupakan usaha yang dihargai kerana ia satu usaha murni dalam merakamkan sejarah bangsa dari segenap sudut.

Pihak Kementerian mengambil pelbagai inisiatif ke arah melahirkan generasi yang cemerlang dan terdidik bagi menjana rakyat dan masyarakat yang memiliki minda kelas pertama. Sebarang usaha penambahbaikan secara konsisiten dan istiqamah diperlukan bagi memastikan mutu pendidikan negara kita setanding dengan pendidikan di negara-negara maju.

Penerapan nilai dan akhlak merupakan tunjang kepada kemenjadian pembentukan diri seseorang murid secara holistik selaras Falsafah Pendidikan Kebangsaan. Pelajar seharusnya dilengkapi ilmu dan akhlak untuk menjadi warga yang dapat memberikan sumbangan yang bermakna kepada agama, bangsa dan tanah air. Ilmu semata-mata tanpa di hiasi dengan akhlak mulia dan karakter yang dinamik tidak cukup untuk menjadikan seseorang itu berjaya dan berguna kepada masyarakat.

Perpaduan adalah teras kepada pembentukan negara dan telah menjadi agenda pendidikan sejak Penyata Razak 1956 lagi. Ia bertujuan untuk merapatkan jurang antara kaum demi memupuk perpaduan nasional melalui penggunaan bahasa Melayu sebagai bahasa kebangsaan, bahasa perpaduan, dan bahasa pengantar di sekolah. Walau bagaimanapun, penguasaan Bahasa Inggeris tidak kurang juga pentingnya kerana ia memperlihatkan kematangan pemikiran pelajar dalam menerima ilmu sekali gus menempatkan warga Malaysia mampu bersaing di peringkat global.


Dalam pelaksanaan pelbagai aktiviti integrasi melalui program penerbitan majalah sekolah ini, Kementerian berharap usaha ini telah dapat mencapai matlamatnya iaitu untuk melahirkan generasi Malaysia yang mempunyai identiti nasional yang kukuh serta dapat menerima, menghormati dan menghayati keunikan kepelbagaian kaum negara ini. Saya berharap agar suasana pembelajaran dan

pengajaran di sekolah akan dipenuhi dengan budaya kasih sayang, kegembiraan dan saling hormat menghormati.

Akhir kata, tahniah dan syabas diucapkan kepada Sidang Redaksi serta semua pihak yang telah berusaha gigih bagi merealisasikan penerbitan majalah sekolah ini.

Selamat Maju Jaya.

“PENDIDIKAN ADALAH KEGEMBIRAAN, KASIH SAYANG DAN SALING HORMAT-MENGHORMATI”

A handwritten signature in black ink, consisting of a stylized, cursive script that appears to read 'Maszlee Bin Malik'. The signature is written on a white background.

(DR. MASZLEE BIN MALIK)